

四庫全書

史部

欽定四庫全書

硃批諭旨卷一百二十三

硃批張耀祖奏摺

雍正二年二月二十六日雲南鶴麗總兵官

臣張

耀祖謹

奏為報明到滇日期並陳出口策應事竊臣一介武

夫叨蒙

皇上洪恩由將弁越次優陞廣東瓊州總兵官已屬非

因於爾人地少不相宜所以改調也分又蒙調補雲南鶴麗鎮邊徼重任寄於臣軀敢

不勉竭駑駘以效驅馳是以奉

命之日思雲南係西藏要口不敢由孔道耽延自廣西

由小路趨赴滇省雖沿途烏道崎嶇瘴氣頗多幸

託

尚非緊急何須如此冒險覽奏無恙抵滇朕深為欣悅皇上洪福皆得無恙茲臣於本年二月十九日已抵雲

南省城與督臣高其倬面商因奉

旨差員策應知臣前任熟悉邊情遂著臣出口赴天柱

今大

案彈壓其應行事宜容臣到彼料理再行具

奏今臣已於二月二十六日由省起程所有到滇日期並出口彈壓情由合併奏

聞謹

奏

所奏知道了勉為之

雍正三年八月初六日雲南鶴麗總兵官臣張耀
祖謹

奏為恭請

聖安事竊臣仰蒙

皇上弘恩補授廣東瓊州總兵官叩辭

丹陛之日欽承

恩旨准臣到任一二年後一面啓奏一面赴京

陛見臣聞

命之下欣感無地抵粵未幾旋蒙

特旨調補雲南鶴麗總兵正值西海悖逆滇省現在用

兵臣即兼程赴任抵省之日隨會商督臣高其倬
帶兵出口策應提臣郝玉麟自駐劄天柱寨一
載有餘仰仗

皇上天威番夷畏服逆賊蕩平臣愧無報效之處今臣

承准督臣照會帶兵暫駐义木多彈壓地方臣自

當仰承

聖意約束兵丁和輯番衆惟是臣叩觀

天顏經今二載瞻戀之私寤寐難安而身在軍營又未

敢冒昧陳請

陛見犬馬愚衷愈滋輾轉謹摺恭請

聖安伏乞

皇上睿鑒謹

奏

前諭准爾於到任一二年後來京陛見乃係泛言耳今駐劄塞外彈壓地方豈可徒為無益之往返以曠職守即所奏知道了

雍正五年二月十三日雲南鶴麗總兵官臣張耀

祖謹

奏為奏明事竊臣駐劄义木多欽奉

諭旨撤師回汛所有雲南招撫之地方二十七處前經
欽差散秩大臣鄂齊等會同四川提臣周瑛

奏明交給達賴喇嘛者木魯巴敦等五處其餘南稱
等二十二處地方交給駐劄西寧散秩大臣達爾
查明辦理

欽差自藏往回臣派撥官兵沿途護送至川兵駐防之

草達接替回營今臣奉

命撤師查得乂木多軍前存倉有四川交代之糧米一
千三百零九石炒麵二百二十二石大兵盡撤既
不便仍畱兵丁看守以費

帑餉若運回內地則所費腳價倍多臣令管理錢糧

是
守備王五采盤量封鎖交與乂木多胡土克圖並

頭人昌諸壩小心看守訖臣由擦哇岡過大雪山

渡金沙江帶兵進口沿途番民皆各安生業共戴

深慰朕之廕念

皇仁遠戍官兵各歸原處臣叩違

闕廷將近四載犬馬戀

主之忱無時稍釋俟臣將鎮屬營伍盡心整飭料理後

叩乞

聖慈允臣入

覲以伸下悃所有駐劄帶兵回汛遠近番民向化樂業

情形理合繕摺奏

聞謹

奏

勉力職守為要爾係曾經面朕之人程途遙遠何用徒勞往還不必來京

雍正六年七月初三日雲南鶴麗總兵官臣張耀
祖謹

奏恭請

皇上聖安

朕安

念爾年齒老大領兵駐防塞外服勞盡瘁幾歷星霜朕心實為不忍幸蒙

上天慈祐所到事竣功成皆由汝一片忠誠所感而然也朕嘉悅之懷筆不能盡

同日又

奏為陳明進剿情形仰祈

睿鑒事竊臣一介庸愚知識短淺承督臣鄂爾泰檄委

統領滇黔官兵進剿米貼軍機重務惟恐弗克勝
任幸賴

天威遠播大兵所至夷賊蕩平臣於收服米貼之後細
查形勢田地頗廣誠可設縣今賊已剿滅自是永
遠寧帖查吞都地方離米貼一百八十餘里原係
川界不法逆夷以地勢險要往往據為巢穴今雖
暫駐川兵恐將來撤回兩省官兵未免難通聲息
以臣愚見宜於吞都飭令川省添設一營安遊擊

一員帶兵五六百名與滇省駐防米貼官兵聲勢
連絡控制諸夷甚為有益再查米貼有猓子一種
乃屬良苗自耕而食猓賊恃強向以奴僕役使臣
至米貼凡屬猓賊俱剿殺無遺查知猓子並無助
逆情罪隨出示招撫者十六戶令其各安住牧以
遵督臣除暴安良之示諭又內地漢人有曾為夷
賊綁擄久而成家者臣訪聞猓賊傷害官兵時曾
有右協兵丁逃竄躲避者漢人給以口糧暗為送

出伊等雖住居夷地尚知保護漢人畏懼

國法臣將此輩悉行免死交地方官安插計男婦五

十三名口又查叛婦陸氏罪在不赦實因川土司

德昌而起

臣

訊據陸氏所供幫兵倡逆皆係德昌

主謀實為罪魁若無德昌惑眾倡亂米夷必不敢

傷害官兵因官兵窮追深入川界已至馬湖府地

界恐驚擾良苗兼准永寧協咨移著落遊擊王谷

宰守備師翰正土司安永長擒獻自難免脫至於

雷波土司楊明義一切事務俱係伊母沙氏管理
江外雷波蝗螂沙罵各土司界連千有餘里直達
涼山而噶哈結覺阿照阿路諸夷人親戚勾連不
無藏姦納叛昨因楊明義羈留永寧協行營其屬
下部夷擅殺永寧協把渡兵丁遊擊沈國卿許連
科合兵搜捕而噶哈結覺夷人竟有阻糧傷兵之
舉皆法所難容臣具稟督臣欲興問罪之師必得
二萬精兵方可盡行掃蕩因目前江漳正起兵力

難施昨承准督臣照會已據稟密商四川督撫提
臣去訖臣又據遊擊許連科沈國卿驗報永寧協
派遣叙馬營遊擊鄂世威帶兵會剿噶哈結覺而
雷波沙氏悔罪投誠親見永寧協副將稟稱氏所
屬部落聞貴協調兵征剿噶哈結覺咸生疑懼懇
祈暫緩師期氏情願擒獻屋基母雞及過江賊黨
以贖前愆等語臣隨檄行米貼駐劄遊擊康世顯
守備馬似龍如川省會兵剿賊務協力堵擒策應

並行知永寧協酌奪凡擒獲賊犯解交新設烏蒙
鎮臣劉起元一切機宜就近通知外所有米貼情
形理合具摺奏

聞伏乞

皇上睿鑒施行謹

奏

此番剿平米貼實賴爾等戮力及在事官兵忠誠奮勇
之心有以感格

上天所以如此不需時日容易收功也實出朕之望外殊屬可嘉之至業經降旨諭部矣

雍正七年正月二十一日雲南鶴麗總兵官

臣張

耀祖謹

奏為恭謝

天恩事雍正六年十月十八日

臣家人齎捧

臣具奏進

剿米貼情形一摺欽奉

硃批諭旨並

欽賜臣海龍皮帽一頂團龍袍褂二件火鑱包一副寶

刀一把克食三箱到

臣行營臣隨望

闕叩頭恭謝

天恩訖伏念蕩平米夷皆仰賴

皇上天威下承督臣指示並官兵感蒙

國家養養深恩奮勇出力所致

臣原無寸效茲蒙

溫綸獎勵

御賜隆頒凡頂戴被服以及器用食物莫不邀分外之

生世世而已為此繕摺奏謝

天恩伏乞

睿鑒謹

奏

今用爾為雲南提督矣勉之又勉

同日又

奏為奏明事雍正六年十二月十二日四川提臣黃

廷桂差員到臣行營知會令臣同副將哈元生赴
拖科會議欽奉

上諭事理臣於十月十三日遵即起程前往一面於搜
緝處所飛調副將哈元生前赴拖科哈元生亦於
十四日至營提臣黃廷桂傳示

硃批諭旨臣等跪聽之下仰見

聖主仁同天地明並日月雖萬里遐荒而兵丁效力情形
並夷人悍獷形狀無不洞察無遺臣率領官兵叩謝

天恩並會同悉心籌畫業經合詞奏

聞自蒙

睿鑒臣查阿驢賊蠻作逆起事不過拖科覺過拉金阿

勒並亨以夸數人助逆亦止阿都之別哺加樂阿

必等數人餘皆脅從之黨今拉金阿勒眷屬並亨

以夸夫婦及頭人阿驢者呢業已獲解而別哺加

樂阿必並阿必之子亦經川師拏解至於川界逃

匿者惟拖科覺過一人四川提臣黃廷桂總兵臣

王剛趙儒嚴督官兵搜擒自難漏網臣查逆夷不法傷我官兵即盡行屠滅亦罪所自取但蚩蚩蠻夷愚蠢無知一人倡首羣起附和又係哈元生輕視所致若概行誅戮非所以仰體

皇上如天好生之至德臣是以將拏獲賊人內訊明實係傷殺官兵而又拒捕之犯不得不於軍營正法以彰

國典而儆蠻夷其餘男婦人口悉遵督臣鄂爾泰示

諭俱行招撫安插莫不歡呼頂祝共戴

皇仁臣於剿撫事竣仰體

聖主念冬寒而恤士卒節糧運以舒民力之至意撤兵
仍回原汛除另疏

題報外所有夷地情形並撤師緣由理合繕摺奏

聞伏乞

皇上睿鑒施行謹

奏

覽奏知道了據汝看一帶地方兇蠻經此番懲創向後
可保相安無事否據實具奏以聞

雍正七年五月二十二日雲南提督臣張耀祖謹
奏為遵

旨具奏事竊臣於阿驢務都得撤師回汛具奏夷地情
形一摺奉有

硃批諭旨仰見

聖主洞察夷情兇惡反覆不常必使久安長治邊夷永

寧之至意

臣

查得苗蠻賦質蠢愚住居險遠其敢

於作祟者皆因從來未覩兵威故罔知畏懼如米

貼吞都一帶素稱頑梗自

臣

帶兵進剿之後苗人

已膽落魂飛振旅言旋督

臣

鄂爾泰飭令地方文

武加意撫輯凡回巢復業者知兵威可畏向後可

保無他虞矣又湍筒江外那窩阿驢務都得等處

苗蠻素稱獷悍

臣

帶兵進剿遵照督臣指示殲其

渠魁而撫餘黨凡釋放回巢以及招回安業者經

此大懲之後亦皆震懾兵威向後可保寧貼再查
東蒙鎮臣帶兵現駐烏蒙府汛防碁布控制苗蠻
凡滇界一帶地方自皆安靜至於附近米貼之雷
波附近阿驢之沙罵阿都等處歷來原係川界屬
川員管轄雷波一帶自川師蕩平之後一切善後
事宜四川提臣黃廷桂自能仰體

聖懷悉心籌畫布置得宜而沙罵阿都各頭人據四川
提鎮諸臣咸稱恭順效力等語但地廣蠻稠接連

涼山一帶甚為遼濶其夷地一切事宜係川省提鎮諸臣辦理向後可保相安無事與否臣未經閱歷不敢妄

奏微臣愚昧無知伏思蠻夷所恃者不過山高箐密彼此勾連官兵勢重則鼠竄狼奔兵力稍單或逞兇猖獗起事則奮不顧身事後未嘗不知悔懼連年官兵所至仰仗

天威遠播無不立靖妖氛遐邇苗夷聞風畏懼諒不敢

乃端

本之正論也殊屬可嘉

多事尤在控制文武諸臣加意撫輯嚴禁騷擾兼

各於汛防要隘處所嚴謹斥堠整肅軍旅庶夷人
起釁無由咸懷各保身家之心不敢萌越界剽掠
之念而兵端可息矣臣仰荷

天恩垂詢據實冒昧陳奏伏乞

睿鑒謹

奏

是

雍正七年八月初一日雲南提督臣張耀祖謹

奏為恭謝

天恩事竊臣齋摺家人回滇蒙

聖恩賜臣平安丸藥並內府紗疋到臣隨恭設香案望

闕叩頭謝

恩祇領外又臣遵

旨回奏夷地情形一摺奉有

硃批臣跪讀之下感戴悚惕臣因於康熙二十年間隨

提臣桑格蕩平雲南即奉差遣於蠻夷各地方效力行走後於廣羅協守備任內三征廣南兼剿平三江夷地情形躬親閱歷察知蠻夷起釁根由皆因地方文武諸臣不善撫輯以致借端蠢動故臣以宜加意撫輯嚴禁騷擾冒昧入

奏今奉

溫綸獎勵我

皇上至聖至明臣何能仰贊萬一惟有同督撫二臣嚴

加教誠屬員並盡心整頓營伍務期漢夷永安地
方寧謐以稍盡職守耳理合具摺恭謝

天恩伏乞

皇上睿鑒施行謹

奏

所論甚屬合宜勉之勿怠

雍正七年九月二十四日雲南提督

臣

張耀祖謹

奏為犬馬戀

主情懇恭懇

恩准陞見以伸積悃事竊臣自雍正元年得覲

天顏之後仰違

闕廷已經七載前於雍正五年二月內自义木多回汎

曾具摺恭請

陞見荷蒙

硃批勉力職守為要爾係曾經面朕之人程途遙遠何

用徒勞往還不必來京臣欽遵

諭旨兼連歲征苗辦理軍務不敢再為瀆請今又已三載兼受

皇恩簡畀重任瞻

天請

訓之心至虔至切竊喜督臣鄂爾泰自黔旋滇軍務告

竣地方寧謐保題武職人員皆係督臣真知灼見

操練營伍兵馬督臣素有成規臣可以具奏恭懇

入

觀倘蒙

聖恩俯允微臣輕騎就道往回半載即可旋汎不獨犬

馬之念獲以稍伸而得聞

天語庶地方營伍一切事宜俱有所遵循矣為此繕摺

請

旨伏乞

皇上睿鑒施行謹

奏

滇黔新闢苗疆地非一處正資料理彈壓宣汝遠離本任前來陞見之時即候旨可也

雍正八年四月初三日雲南提督臣張耀祖謹

奏為奏

聞事竊臣至雲南省城聞得廣東肇慶府屬之恩平開平等縣有姦匪聚眾散布偽劄隨即陸續擒獲又聞得粵西泗城府武舉岑映翰首報李天保等散布偽劄隨與土田州協力拏獲現在嚴審根究查

泗城與滇省之廣南府交界李天保等雖經拏獲恐有餘黨逃匿鄰省臣密諭廣南營叅將轉飭各汛防弁兵嚴加訪拏毋使免脫續據該叅將稟報雍正八年三月十二日據歸朝汎把總報稱前奉廣西右江鎮蔡憲牌查拏受劄之黃玘平蔣先生黃國雄趙大哥羅老四五名選差兵目會同土州差目於本月初八日押解前往右江鎮所有拏獲叛賊緣由理合具報等情臣於雍正八年四月初一日又據廣南營叅將

驗報內稱本年三月三十日奉廣西右江鎮蔡牌文內開
仰該叅將即便會同廣南府會撥幹役前赴富州守
催該土官立將要犯黃玘趙李盤王黃卜昌黃那何
斗冲按照住址勒限拏獲徑解廣西撫都院衙門質
審等因奉此卑職即移會廣南府又即選差千總飛
騎前往富州協同該汛把總會同土富州嚴行密拏
解究外理合申報等情據此臣即飛檄該叅將務將
要犯黃玘趙李盤王等嚴拏務獲解究所有續差升

員往緝要犯緣由理合具摺奏

聞謹

奏

嚴飭上緊查緝毋少疎忽方不致有漏脫之虞也

雍正八年七月初九日雲南提督臣張耀祖謹

奏為奏

聞事竊粵西泗城府武舉岑映翰首報李天保等散布
偽劄一案臣已將拏獲姦匪黃玘平等解交右江

鎮並差千總會拏要犯黃玘趙等情由具摺

奏明茲臣於本年六月二十八日准少保雲貴廣西
總督臣鄂爾泰咨開為密行查拏事案照土富州
地方有姦匪捏造偽文投至署鎮安府雷通判處
該通判提訊供出輾轉付遞之犯呈報到本部院
隨經檄飭廣南營叅將會同廣南府多差兵役帶
同富州土知州拏解在案昨已據該營府稟報拏
獲班英農祿二犯解赴右江鎮轉發收審并黃玘

趙一犯亦據報獲今又准廣西撫都院金移會審
訊黃玘平供出為首之李盤王現住富州煉村即
大倫地方并有黨羽兵那阿等合行鈔供密拏為
此牌仰該副將文到即便知會開化右江二鎮暨
思恩協酌撥弁兵至相接土富州之各要隘先行
堵截毋致逃脫一面率領廣南叅將知府傳喚土
知州沈肇乾詢明有無同謀知情相機行事其應
帶弁兵並廣南土兵俱聽該副將酌派前往大倫

地方嚴拏姦匪李盤王兵那阿等務期擒獲訊取
確供請示解審等因除行廣羅協及照行開化右
江二鎮思恩協即便酌撥備弁帶領兵丁前往接
連土富州各要隘分布堵禦俟廣羅協副將馮鸞
等帶兵至大倫地方嚴拏姦匪李盤王等如有潛
逃務期盤拏獲報發審如有頑抗即行并力協擒
倘玩忽縱漏軍法具在決不少為寬假等因并行
廣南府營遵照外相應咨會等因准此臣即飛文

移行開化右江二鎮思恩協并廣羅協副將暨廣
南營叅將遵照督臣原行事理將姦匪李盤王兵
那阿等務必擒獲毋得延緩洩漏致令逃脫有干
嚴究去訖理合繕摺奏

聞伏乞

皇上睿鑒謹

奏

覽奏已悉鄂爾泰業經奏聞矣

雍正九年正月初三日雲南提督臣張耀祖謹

奏為恭謝

天恩事雍正八年十二月初七日臣齋摺千總自京回

滇到臣行營荷蒙

聖恩賜臣摺匣一分共五箇鑰匙五把

內廷留下摺匣一箇鑰匙三把發交臣摺匣四箇鑰

匙二把并蒙

賜哈密瓜一圓臣恭設香案望

闕叩頭謝

恩祇領訖伏念臣愚魯庸材毫無報效謬司軍旅時懷
悚惕疊蒙

恩賜之厚迥異尋常茲復荷此

殊恩自問何以報稱臣惟有殫心竭力矢效犬馬以期
仰酬

高厚於萬一耳為此具摺奏謝

天恩謹

奏

朕實愧悔加恩於汝也

同日又

奏為奏明進剿情形仰祈

睿鑒事竊查烏賊悖叛侵犯東川境界督臣鄂爾泰同

臣調遣各路官兵進剿臣隨帶領本標兵丁六百

名星夜兼程至省起程由東川一路前進業經具

疏

題報在案臣於九月十七日至尋甸據攝理知州事

曲靖府同知崔乃鏞稟稱烏蒙猺賊勾結東川蠻
猺肆行猖獗今捉獲姦猺四名意在窺伺攻城人
心甚為惶惑臣一面出示安民令將擒獲姦猺梟
示人心始定於十九日臣帶兵至功山差人躡探
賊情正在四路嘯聚臣飛催所調各處漢土官兵
分路前進又會商督臣派撥臣標暨各鎮協營官
兵由威寧東川兩路進剿仰賴

皇上天威遠播督臣指示周詳官兵用命凡懸巖險壘賊人負固之處莫不冒矢石而先登密菁深林賊人嘯聚之區亦盡破排柵而直入所向必捷百可當千猱賊喪膽亡魂獸奔鳥散臣查東川賊首祿良珍原係渠魁而祿良宰祿承爵祿承鼎等悉係逆目其龍潭村之蘇八十乃定計設謀領兵刼殺窮兇極惡之渠魁今據叅將南天章報稱於十二月二十七日擒獲蘇八十因服毒藥隨即斃命二

十八日擒獲祿良宰祿良珍等解省聽候督臣審

擬又淮安龍鎮

臣

哈元生咨開拏獲祿良珍之妻

陸氏并祿良宰之母安氏并據各路將弁擒解東
川逆賊家屬人口到營俱經解送督臣訖其現在
禁守行營及交地方官監禁審訊賊犯入等亦俱
續行起解外所有臣自功山以至東川據各將弁
解到原屬叛逆又拒敵官兵之逆賊即於行營斬
首以伸

國法以儆蠻獫茲東川之元兇已獲地方蕩平人民
復業惟有逃竄逆黨數人臣同楚姚總兵官臣官
祿正在嚴督官兵竭力搜緝釜底遊魂自難漏網
所有各路官兵奮勇殺賊備細原委並擒獲逆夷
姓名數目臣另摺奏

聞外為此謹

奏

尚復何顏繕具此摺奏朕是所謂掬盡湘江難洗汝愧

殊屬無耻之至

硃批諭旨卷一百二十三

欽定四庫全書

硃批諭旨卷一百二十四

硃批紀成斌奏摺

雍正二年十一月二十二日河南河北總兵官臣

紀成斌謹

奏為

聖恩高厚難名微臣圖報心切罄竭愚誠仰祈

睿鑒事竊臣武夫末弁荷蒙

皇上格外洪慈特放河北總兵臣何人斯被此

寵遇惟有策勵精神整頓營伍懲勸士卒以效犬馬之
報於萬一耳伏查開封一營設於省會重地五方
雜處士商輻湊該營都司有彈壓巡防之責最關
緊要自都司劉以灝被叅員缺本年三月二十五
日部掣廣東潮州衛守備馮重臣迄今九月有餘
並未到任據該營員役稟稱守備馮重臣在途病
故勢必報部另掣是到任之期杳無月日署理之

員曠日遲久不能保其兼顧無虞再查磁州營都司陳之璠員缺亦屬衝繁均以得人為要臣伏見侍衛宋愛為人端謹才具幹練侍衛楊永和技勇優長持身謹飭俱係臣深知熟悉之員如蒙

天恩將宋愛楊永和補放開封磁州都司二缺俾其自京赴豫不過半月即可抵任庶要缺不至久懸地方均有裨益至磁州營守備原非題補之缺但臣看得開封營千總徐世俊自委署磁州守備以來

辦事小心勤於操練如蒙

皇上加恩補授實為人地相宜倘格於成例祈將在京
揀選記名千總內補放以免懸缺久待臣為地方
得人起見冒昧具摺陳請伏候

聖裁謹

奏

俱照爾所請諭部補授矣但須秉公除私方為不負朕
之信任也勉之

雍正三年二月初一日河南河北總兵官臣紀成

斌謹

奏為奏明事雍正三年正月二十三日新補臣標開

封營都司宋愛到臣衙門宣傳

朕原臣不過揣度之詞並非有所見聞而云然也但近年
聖旨跪聽之下不禁惶悚汗下臣前因開府營都司
以來年漢堯操大將軍之威權人多畏服若爾等蔑視
國恩而瞻顧私誼則甚有乖朕保全功臣之意今覽所
奏實為地方起見一無別故朕深嘉賞爾將來堪為國
有膽氣又代伊父宋可進分派營務頗有才幹知

家大器者勉為之朕君臨寰宇宜肯將用舍之柄輕移
其必能料理地方故敢冒昧具摺請將宋愛補授
於臣下乎且爾既非陝省所屬斷不可私受其囑託而
廢人臣秉忠事上之大節於此要認得真見得透審思
皇上天恩特放總兵臣實為地方起見並無聽人吩咐
熟計其是非輕重也勉之
亦無別項心腸即宋可進亦不過同在軍前認識

素無交情臣受

恩深重止知我

自為國家效力

皇上之恩不知其他斷不敢存一點私心以負

皇上信用之隆恩也理合將臣愚衷據實

奏明此係密摺臣不敢託人係臣親書但武夫不通
文理不會寫字伏祈

皇上原宥謹

奏

閱爾字畫頗屬清楚向後如有密奏親筆書寫甚好

同日又

奏為陳明請

旨事竊臣荷蒙

皇上天恩畀以封疆重任自受

命以來夙夜冰兢凡所拔補官員失公失慎不敢存絲

毫請託賄囑之私心凡一切節禮陋規

信得爾及

盡行革除

嚴飭弁兵巡查防禦務期盜息民安不使稍有踈

縱臣見各營旗幟號衣等項俱已舊敝詢稱向係

兵丁自備因年歲歉收是以未及更置臣仰體

皇上愛恤士卒至意不忍累兵將臣標左右及開封等

六大營每營暫存公費步糧二十分嵩縣王祿店

如此

兩小營每營暫存公費步糧十分製造各營軍裝通融料理甚屬允協

等項現今漸次整齊務令煥然一新又豫省各營

並無子母礮位臣從戎年久深知此礮有益現在

礮位

雇覓匠役照式打造每營添設五位以備應用俟與別項軍器不同當報部存案

各營軍裝及子母礮位製造完備臣即一面奏

聞一面將各營舊存公費名糧逐一募補實伍以上已

行事件皆臣力所能為故上體

甚好

天心竭力次第舉行惟有製造盔甲一事需費浩繁不

得不上瀆

宸聰請

旨遵行查臣標八營馬兵俱有盔甲至步兵惟開封一

營尚有盔甲係前任撫臣趙弘燮捐造但已年久

舊損其餘七營歷來並無盔甲萬一有事將何以

所論

極是

禦侮奔走而無恐耶臣再四思維既不敢上糜

國帑又不敢下累窮兵合無仰懇

此事朕若竟行賞賜天下營伍甚多何處不應加恩國
皇上天恩賞借藩庫銀八千兩先行製造俟將八營盔

用未

晚太費如借銀製造捐俸抵還冊題報自甲造完同用過銀數一併造冊題報自以下各

爾言

之田文鏡令其詳議具奏請旨營大小員弁各年捐扣俸銀一千兩分作八年還

庫清項度

國帑不致虛糜而營制得以整肅矣臣為營制起見

應奏

者如此方是不揣愚妄冒昧奏陳伏祈

皇上睿鑒施行謹

奏

所奏俱悉

同日又

奏為請

旨事竊查臣標八營除左右兩營防守懷慶縣屬外其
開封衛輝磁州王祿店等四營雖俱地廣兵單路
當衝要然汎地平坦即或間有盜竊可以追逐緝
拏無恃險負固之足慮也獨河南及嵩縣兩營地
處萬山之中深林密箐最易藏姦實屬險要查河
南營止設都司一員守備一員千總二員把總三

員馬步兵共六百四十八名管轄一府兩州一十四縣至嵩縣營止一守備並無千把管轄嵩縣永寧盧氏三縣地險汎遠勢難兼顧臣意欲請增營汎官兵以資彈壓現在同撫臣田文鏡商酌會疏具

題臣無庸再奏惟是議添官兵處所俱係險要重地倘蒙

皇上俞允則新設營汎防禦最關緊要恐部選之員未

能遽得人地相宜但豫省無題補官員之例臣不敢擅違合無仰懇

皇上格外隆恩容臣於豫省武官內揀選才技優長諳練營務者會同撫臣酌請題補庶要地得人而臣亦收臂指之效矣理合請

旨遵行為此謹

奏

爾同撫臣田文鏡將增添營汛之處會疏題請俟該部

議覆到日然後與撫臣擬定人缺密摺具奏以聞

同日又

奏為恭謝

天恩事雍正二年十二月二十六日臣進摺家人回署

齋捧

欽賜臣湯羊哈密瓜到臣又於雍正三年正月初四日

准河南撫臣田文鏡差官齋送

欽賜臣

御書福字一幅到臣節次郊迎至署恭設香案望闕叩頭謝

恩祇領訖伏念臣以一介武夫蒙我

皇上天高地厚之恩由末弁拔置總兵重任復蒙

宸翰遙頒

賞賚稠疊臣何人斯受此

異數臣即肝腦塗地亦不能仰報

皇恩於萬一為此繕摺奏

謝併繳

硃批謹

奏

覽奏謝知道了據爾看年羹堯係何如人耶伊竟忍如此負恩洵屬竒事殊令朕愧見天下臣工

雍正三年四月初十日河南河北總兵官臣紀成

斌謹

奏為奏

聞事竊查臣標八營所屬地方本年自正月二十四日
各處得雨三四寸後至三月二十暨二十一日得
雨一寸至三寸不等又於四月初三初六兩日得
雨一寸至四寸不等均未霑足有渠水灌溉之地
麥苗現在秀實仍約有七八分收成其窪下田地
麥苗亦約有五六分收成至高阜之地麥苗大約
只可三四分收成查臣標左右衛輝磁州河南嵩
縣王祿店等七營汎地麥苗大槩相同惟開封一

營汎地得雨較少且從前生有旱蟲麥苗尤被損
傷各處已種秋禾得雨滋長未種地畝得雨深者
現在播種臣仰體

皇上軫念地方至意所有屬汎雨澤及二麥情形理合
據實奏

聞併繳

硃批謹

奏

雨水麥苗情形知道了凡百處務須據實為要

雍正三年五月二十二日河南河北總兵官臣紀

成斌謹

奏為遵

旨回奏事雍正三年五月十一日臣奉到

皇上硃批臣奏摺一封當即叩展跪讀細繹

聖諭因思年羹堯父子兄弟世受

國恩昔年年羹堯荷

聖祖寵眷加恩宥過已非一日又蒙我

皇上推心置腹異數頻施在年羹堯身被

殊恩自應鞠躬盡瘁始終不渝斯為盡職乃年羹堯自
西海平定之後忽爾恣肆驕縱諸事踈慢不敬頓
異夙昔行為誠為奇事年羹堯病狂喪心如此背
恩負國應即治罪以正

國法彼亦無辭且足以快天下臣民之心乃我

皇上猶復包容仍將年羹堯調補浙江杭州將軍益見

年羹堯之負

皇上而我

皇上寬容之量更為千古帝王未有之

盛德也臣因年羹堯自西海平定後任性狂為大不
類於往時私心驚疑已久但非微臣所宜言之事
故不敢妄言今欽奉

硃批下詢臣謹畧陳愚見伏惟

睿鑒謹

奏

覽爾此奏其議論年羹堯處甚不通暢頗畱有餘不盡地步可惜爾如此漢仗人品兼立有戰功當務為國家棟梁豈宜屈身人下重小節而輕大義貽譏天下後世哉年羹堯今日負朕高厚之恩凡有血氣者聞見之下若不髮指背裂深惡而痛絕之非大清臣子也其向日之樹私黨市小惠負君竊柄等行為何可絲毫瞻顧為之掩飾耶審思之

雍正三年六月二十八日河南河北總兵官臣紀

成斌謹

奏為奏

聞事竊照臣標所屬地方六月內各處俱得透雨或兩
三日連雨或三五日一雨普遍霑足早禾將次登
場晚禾茂發秀實將來俱約有十分收成此皆由
我

皇上聖德至誠默契

天心故致五風十雨年登大有物阜民安臣仰體

皇上軫念地方至意合將屬汎雨澤霑足及秋禾茂盛

情形據實奏

聞謹

奏

覽奏雨澤禾稼情形知道了朕懷甚為欣慰

同日又

奏為瀝陳愚衷仰祈

聖主睿鑒事竊年羹堯

恩負國前欽奉

諭旨問臣看年羹堯係何如人臣因年羹堯狂悖不臣

之處其顯然外著者俱經直隸督臣李維鈞及鑲

白旗都統臣范時捷等列款糾參無庸臣再為複

述至年羹堯心姦行偽招權納賄植黨營私附已

者立拔顯要拂意者百計中傷官民切齒道路怨

騰但形跡詭秘非與彼聯手共事者難以悉其始

末臣自服官以來從未與年羹堯辦理一事即雍正元年十二月內臣隨四川提督岳鍾琪自川赴寧三日後年羹堯以四川雜谷土兵性野內地不便存住即令臣帶領口外白塔兒駐防嗣後進剿爾郭隆寺及西海桌子山等處迨凱旋西寧臣養病未幾即奉

旨赴京

陛見是以年羹堯罪惡多端臣祇得於道路之傳聞其

原委確據未能深悉故臣前奉

諭旨不敢冒昧入

告祇以年羹堯負國背

恩之語回奏茲奉

硃批嚴切臣跪讀之下惶悚汗流罪實難逭惟是臣歷

來從未受年羹堯恩惠臣雖賦性愚頑頗知大義

年羹堯負

國竊柄罪不容誅即今之亂臣賊子也臣若懷私瞻

顧亂臣賊子臣亦即亂臣賊子也豈可容於光天
化日之下乎謹將年羹堯往年之待臣及臣蒙

恩進身之由畧陳梗槩仰邀

天鑒臣昔年在川時因質直迂拙不肯黨同趨奉致年

羹堯忌恨屢欲加害令有司官訪查臣事欸一月

一次密報因臣冰兢自矢無隙可乘幸免陷害康

熙五十九年四川化林協副將缺出臣彼時係龍

安營叅將經署提臣路振揚將臣保舉會題到省

年羹堯駁回又康熙六十一年軍政提臣岳鍾琪
將臣保舉卓異又被年羹堯駁回臣彼時若肯貶
節逢迎拜門生通賄賂附黨鑽營以取年羹堯歡
心臣之姓名已早達

天聽矣嗣於雍正元年六月內經提臣岳鍾琪欽遵
上諭各舉所知將臣單題保舉奉

旨特授臣雲南援勦右協副將此案若係會題又必致
年羹堯駁回矣彼時臣因受

恩深重正值軍興旁午之際不敢脫然赴任以圖安逸

故告隨提臣岳鍾琪軍前效力以報

皇恩迨後仰賴

皇上天威指授方畧進剿各處蕩平逆寇年羹堯祇據

提臣岳鍾琪開報將臣行走之處以實奏

聞嗣蒙

召見放臣總兵出自

皇上特恩此番年羹堯祇不過公道難泯未掩臣之行

走處耳亦非深恩厚惠令臣感佩而不可忘也臣
猥以微賤蒙我

皇上天恩寵榮至此即使向日是年羹堯門下黨類彼
已顯背

君父罪惡昭著為國之賊臣亦當執大義而攻擊其惡
況臣歷來並未受彼私恩小惠豈肯絲毫瞻顧重
小節而蔑大倫以自取罪戾哉總因臣愚魯粗疎
並不留心於年羹堯故彼之罪惡纍纍臣未能詳

悉臚列罪實無辭為此繕摺奏

聞併繳

硃批謹

奏

覽此奏朕心釋然矣爾原係朕最賞鑒之人況爾之陞擢實緣自有勞績所以蒙朕計功授職並非因年羹堯噓植而然也恐爾不審所由昧於大義故有前諭今爾既不自棄朕宜忍棄爾從此但將欺君罔上辜恩負義

之年美堯視如仇讐豈特保全名節不貽笑於天下後世且堪成就現在之功名也實力勉為之若於此中少有不能決絕仍存瞻顧徘徊之意亦何能逃朕照察日後至敗露時譴責自必加倍勉之慎之

雍正三年八月十八日河南河北總兵官臣紀成斌謹

奏為恭謝

天恩事本年八月初九日南陽鎮臣董玉祥赴任敬將

面奉

上諭宣傳到臣跪聆之下當即望

闕叩頭謝

恩訖伏念臣以一介武夫至微極陋荷蒙

聖主隆恩由末弁拔至總兵重任莅任以來寢食夢寐
時存兢惕惟恐有負

天恩臣雖才具疎庸自愧無能報效而血誠愚衷實可
矢諸天日邇者年羹堯諸惡敗露欺

君虐民罪不容誅臣昔年在川屢被其遏抑至青海之後臣行走之處年羹堯難以掩蔽所以奏

聞保舉夫以亂臣賊子所保舉豈復有忠良之輩臣反覆思維先已自疑且臣愚魯粗疎又未能將年羹堯不忠不法之惡跡詳悉臚列直陳其罪臣安得不媿懼驚惶時凜待罪之心乃蒙我

皇上天地之恩既寬臣罪復

鑒臣衷令南陽鎮臣董玉祥宣傳

聖意明示

恩綸臣叩聆之下感激涕零即捐糜頂踵難酬

高厚惟有凜遵

聖訓益加砥礪實心辦事竭盡駑駘以仰報

天恩於萬一耳為此繕摺奏

謝謹

奏

人非聖賢孰能無過不但爾從前誤認年羹堯甘為其

所保舉即朕亦何嘗未誤耶朕所惡者固結私情而忘公誼之流如能明大義改過從善則何罪之有朕從來心口一如無虛語也

王嵩甚不妥當爾曾與之同事必知其居心為人據爾所見秉公奏聞密之

雍正三年九月二十六日河南河北總兵官臣紀

成斌謹

奏為遵

旨密奏事雍正三年九月二十二日臣家人齎捧

皇上硃批奏摺到

臣臣

叩頭展視伏讀

諭旨遵查王嵩原係陝西督標守備陞轉俱在陝省至

臣往年服官二十餘載俱在川省與王嵩從未謀

面惟於去年同事軍前與王嵩始相認識臣見其

為人言過其實又極善於趨奉年羹堯所以由守

備兩三年間題補至總兵至王嵩之居心臣因彼

時所領係四川官兵王嵩所領係陝西官兵各自

領兵分勦並未與彼同辦軍務且相交又淺是以
未能深悉其隱微我

皇上明並日月無遠不照自難逃

聖明之洞鑒也今奉

硃批下問謹將臣愚見秉公據實親書密

奏伏祈

皇上睿鑒併繳

硃批謹

奏

所奏甚公向聞王嵩係一儒將頗有胸襟抱負今據各處叅奏觀之大抵居心巧詐調來觀看何能逃朕鑒察至事明後爾等自然領悉

同日又

奏為恭謝

天恩事竊臣進摺家人回署齋捧

欽賜哈密瓜到臣臣隨恭設香案望

闕叩頭謝

恩祇領訖伏念臣一介武夫至微極賤蒙我

皇上天地宏恩畀以封疆重寄抵任一載虛糜厚祿涓

埃未報負媿良深廼屢荷

賞賚有加無已且又以遠方珍品

頒及微臣

聖恩愈高愈厚微臣圖報愈難惟有益加黽勉竭盡駑

駘以仰酬

皇上天恩於萬一耳為此繕摺奏謝

天恩謹

奏

覽奏謝知道了嗣後如再接頒賜食物些小恩賞無庸
特差人來齎呈奏摺遇便附謝可也

雍正三年十一月二十二日河南河北總兵官臣

紀成斌謹

奏為奏

聞事竊臣因標下八營守兵惟開封一營原有盔甲其餘七營歷來並無盔甲於本年二月具摺請

旨製造欽遵

硃批移准河南撫臣田文鏡轉檄布政司照依約估發存庫耗羨銀六千四百六十三兩零於六月初二日領齎到臣七月初二日開工查照七營守兵名數共成造鐵盔綿甲二千八百八十九頂副於十月二十日完工隨准撫臣委員驗明照數分發各

營給兵披戴查原領約估需用銀六千四百六十
三兩零今逐細核減製造實止用銀五千八百四
十七兩零餘剩銀六百一十五兩零已照數繳還
司庫訖所有造完盔甲頂副用過及餘剩各銀數
併完工日期理合奏

聞謹

奏

所奏知道了朕將王嵩調到看伊竟是一不堪棄物滿

面鄙俗之氣年羹堯乃稱之為儒將比岳鍾琪更優等語殊屬可笑之極據此觀之真係年羹堯之大馬也

雍正四年四月十二日河南河北總兵官臣紀成斌謹

奏為恭謝

天恩事雍正四年正月十九日臣進摺家人回豫齋捧
欽賜臣

御書福字一幅臣隨郊迎至署恭設香案望

闕叩頭謝

恩祇領訖伏念臣以至微極賤之身屢荷

皇恩賞賚

天高地厚之德久已淪肌浹髓矣茲又蒙

宸翰下頒臣何人斯欽承

異數即肝腦塗地難於圖報惟有益加砥礪竭盡犬馬
之力以仰酬

天恩於萬一耳為此繕摺奏

謝謹

奏

覽奏謝知道了爾居官聲名中平當加勉自勵毋稍怠
忽若不感奮做一優等出色總兵仍屬虛負朕之知遇
也勉力為之

同日又

奏為奏

聞事竊查臣標所屬地方本年入春以來各處雨澤不

均河南府及汝陝二直隸州各所屬地方屢得透
雨彰德府屬之林縣懷慶府屬之濟源縣亦俱霑
足其餘各處地方雖屢次得雨一二三寸不等但
俱未霑足幸去年秋間多雨土膏滋潤不至大乾
目今春夏之交正二麥秀實秋禾播種望雨甚殷
之時於四月初四日大雨一夜又初六七八九等
日大雨四晝夜各處俱已霑足深透其從前得雨
之河南府等處地方今又透霑膏雨秋禾茂發二

麥秀實大約俱有八九分收成其現今始得透雨
地方秋禾已種者得雨茂長其未種者處處播種
雖地土有肥磽不一高下不等然大槩俱屬有收
至彰懷衛三府所屬地方二麥俱約有六七分收
成惟開封一府所屬地方從前間有旱蟲雖不大
為害然麥苗未免有所傷損大約只有四五分收
成理合具實奏

聞謹

奏

覽奏雨澤情形大慰朕懷

雍正四年十月初二日河南河北總兵官臣紀成

斌謹

奏為回奏事雍正四年五月十五日臣家人齎捧

皇上硃批奏摺到臣臣叩展跪讀不勝惶愧伏思臣一

介微陋仰蒙

皇上隆恩簡畀總兵

寵榮非分更屢荷

聖慈宥過曲成諄切

訓諭誠天地父母之恩人臣難得之

異數也臣雖至愚未有不感激而思奮者惟是臣質愚才庸心欲酬夫

高厚力實限於駑駘尸位素餐有負重任撫躬循省每切悚惕復蒙

皇上天恩格外成全

訓示勉勵臣叩誦之下愈覺愧感無地矣嗣後惟當益
加砥礪竭盡血誠以期上報

皇恩於萬一耳為此繕摺奏

聞併繳

硃批謹

奏

知道了常存治愈求治精益求精之心則日見增長之
效也

同日又

奏為奏

聞事竊查臣標所屬地方本年自夏徂秋雨暘時若每
值望雨之期即有時雨之降並無烈風迅雷此皆
我

皇上至聖至仁上合

天心以致斯五風十雨年登大有之祥今查各處秋禾俱
屬豐收二麥又皆廣種百室盈寧軍民歡慶臣覩

茲富庶不勝欣幸仰體

皇上軫念地方至意所有屬汛秋收豐稔情形理合據

實具

奏以慰

聖懷謹

奏

實慰朕懷此皆爾等封疆大臣文武和衷安輯兵民上
感

天和之所致何獨歸功於朕勉之敬之

雍正五年二月初十日河南河北總兵官臣紀成

斌謹

奏為微臣居川年久懇

恩賞賜入籍事竊臣原籍陝西莊浪衛人臣父紀法原
任陝西甘肅下古城守備於康熙二十一年內因
逆夷犯邊臣父帶兵截殺中傷陣亡臣母曹氏因
此感傷致病亦相繼而歿時臣年方九歲並無兄

弟貧而無倚寄食於親族之家迨後稍長成人臣
投赴天津鎮臣岳昇龍轅門效用隨岳昇龍出師
口外征勦噶爾旦蒙給外委千總趙運軍糧凱旋
後鎮臣岳昇龍陞授四川提督將臣帶赴川省臣
於是即在成都為人贅壻始有妻室三十六年蒙
兵部議叙臣以營千總即用得補四川提標千總
歷至叅將俱在川省雍正元年特奉

恩旨陞授臣雲南援勦右協副將告隨原任四川提臣

岳鍾琪軍前效力仰賴

皇上天威蕩平西海逆寇雍正二年蒙

恩召見特放臣河北總兵此臣入川出身之始末也竊

思臣原籍舊無一椽而川省亦無寸土在川在陝

固皆無可戀惟是臣入川備員將及三十年凡娶

妻生子聯結姻親俱在川省於川中風土人情久

成習慣伏查定例提督總兵副將俱不許在任所

置產入籍其叅將以下等官任所置有產業欲在

彼入籍者許令地方官報明督撫准其入籍等語

臣在川官止叅將雖於定例無違但現在蒙恩拔擢總兵一旦入籍他省不敢不瀝情

奏請伏祈

皇上准臣入籍四川成都府俾臣子女姻親得相團聚不但臣戴

高履

厚犬馬報效之忱永矢弗諼即臣子子孫孫亦莫不頂

感

皇恩於生生世世矣為此繕摺謹

奏

覽奏已悉具疏題請可也疏內但摘緊要數句叙入無須如許情節題到之日朕自降旨允准此奏併朕批諭俱不必援引

雍正五年六月十三日河南河北總兵官臣紀成

斌謹

奏為奏

聞事竊查臣標所屬地方本年春間雨暘時若二麥處
處豐收自入夏以來查開封河南二府及汝陝各
所屬地方屢次得雨二三四寸至七八寸不等彰
德衛輝懷慶三府所屬地方屢次得雨二三四寸
至五六寸不等各處早晚秋禾俱經播種自今大
雨時行早禾漸已結實晚禾正當茂長此皆我

皇上盛德至誠感召

天和故致風雨調順二麥既已豐登秋成又有可望禾黍
遍野瓜果盈疇軍民欣欣含哺樂業莫不感頌

聖天子之弘庥臣仰體

皇上軫念地方至意所有汎屬二麥豐收及在地秋禾
得過雨澤情形理合據實奏

聞謹

奏

覽奏二麥豐收秋禾得雨情形朕懷深慰

同日又

奏為恭謝

天恩事竊臣前因居川年久懇

恩准其入籍繕摺具奏嗣奉到

硃批臣隨恭設香案率領妻子望

闕叩頭謝

恩當即欽遵

訓旨於本年三月十二日繕疏恭進經兵部議覆委於

卷一百二十四
定例有違乃蒙

皇上特恩准臣入籍四川臣接到部文隨於本年四月十五日具疏恭謝

天恩訖伏念臣蒙

皇上知遇隆恩特畀總兵重寄履任以來三年尸素愧無絲毫報效屢荷

聖恩格外優容

寵賚頻加即寢食夢寐之間常切驚惕頂沐

仁恩久淪肌髓茲因奏懇入籍四川臣亦自知詞意繁

冗仰蒙

聖訓周詳開示愚昧此誠

天地父母之恩不識微臣何修邀茲

異數從此臣蒙

恩得以入籍川省不但臣犬馬之忱固當永矢弗諼即

臣子子孫孫亦莫不銜結

天恩於生生世世矣為此具摺奏

謝併繳

硃批謹

奏

覽

受恩易報恩難竭力秉公勉為之

雍正五年七月初八日河南河北總兵官臣紀成

斌謹

奏為奏

聞事雍正五年六月二十日據臣標中軍遊擊稟據防守懷慶府河內縣審兒頭地方兵丁稟稱聞得過路人說山西澤州大箕村於十九日晚上有三百餘人持械扎傷捕役一名臣以該村鄰近河南隨一面添撥弁兵凡與晉省接壤隘口及道路墩鋪加意巡防盤詰一面差親丁赴澤州地方查探起釁情由嗣據該丁稟稱訪得因大箕等村有等拳徒素日羣聚飲酒賭博不事生業該州牧借點保

甲捉拏二名乃該村匪黨竟聚衆於中途刼回更將州役搶去十三名打傷一名且恃衆強約鄰近村人該州將城門衙署關閉防閑嗣經紳衿講和彼始將衙役放回其附和者漸已解散該州牧密諭各村保地舉首匪類隨拏獲十餘名尚有三五十名逃匿晉浦山中等情臣因該丁查探起事情由不甚明確復另差幹丁再赴澤州細加查訪去後六月二十七日澤州牒移懷慶府內稱濟源縣

南門外西劉村有一翟神仙會看風水行醫是其
軍師即此處頭目靳廣焦養祿等俱逃赴濟源投
奔其家等情牒府移營臣當即選差弁兵協同府
縣官役飛赴密拏查並無靳廣等蹤跡隨將翟神
仙拏獲押解來府旋即護解澤州訖今據前差去
兵丁回稟細訪得此事原因澤州民王泰來家人
靳廣因伊主待伊刻薄糾合魏姓義子併家人陳
桂及拳徒焦養祿等二十餘人在大箕村聚衆欲

打刦王泰來家復糾合泰來不知姓名家人入夥
彼即密稟伊主首告澤州查拏魏姓義子聞知自
縊身死匪類王君祿隨即被獲詎靳廣同陳桂等
糾合人衆於中途將王君祿刦回拏住州役九名
俱行打傷次日該州牧委教官等勸諭彼始將州
役放回匪黨亦各自逃散嗣經州牧陸續緝獲焦
明山等共三十餘人現在審解其黨犯前有逃匿
晉浦山中今已盡獲其餘未獲之犯現在嚴拏等

情臣思此類不過係遊手無賴之徒其意在於刦掠富戶似非謀為不軌之類况已緝獲三十餘人餘犯自不難於弋獲結案但係鄰省地方有此聚衆不法之事理合將兩次差查情由備錄奏

聞伏祈

皇上睿鑒施行謹

奏

出語可謂亂道之至試思此等匪類目無法紀刦掠富

戶之後將作何結局身膺封疆之責凡百寧過於慎重
小事如大事辦理方是似此立意寬縱疎忽甚負朕之
任用雖屬鄰省皆係國家地方遂乃膜視於己無涉是
誠何心所有逃匿人犯竭力協同擒捕務獲凡地方上
遇有此等事件外貌故作不知自以為能將大事化小
事小事化無事此種因循懈怠之風斷乎不可再若如
是居心行事將來必懼重譴慎之戒之切記切記

雍正五年八月二十八日河南河北總兵官臣紀

成斌謹

奏為奏

聞事竊查

臣

標所屬地方本年自夏徂秋各處雨澤頻

霑今當納稼之時早晚秋禾俱屬豐收二麥又皆

廣種童叟軍民熙熙皞皞臣覩此屢豐之象不勝

懽忭仰體

皇上軫念地方至意所有屬汎秋收豐稔情形理合據

實具

奏以慰

聖懷謹

奏

秋收豐稔實慰朕懷

同日又

奏為微臣愚昧無知

聖恩天高地厚欽奉

訓諭愧悔無極恭謝

天恩事竊臣因山西澤州地方有匪類聚衆將臣兩次
差查情由具摺奏

聞奉到

硃諭臣跪讀之下蒙我

皇上訓示詳明始豁然開悟惶愧汗流臣前摺奏稱此
類不過係遊手無賴之徒其意在於劫掠富戶似
非謀為不軌之類竟未思及劫掠富戶之後作何
結局臣言誠為亂道臣罪洵無可逭至鄰省皆係

國家地方臣豈敢有異視亦斷不敢因循懈怠上負
聖恩茲查此案匪類河南地方除前獲解翟神仙外續
又拏獲楊世龍楊鐵山陳志榮陳雲州周叔方程
廷賓張三等七人俱已解赴山西收審訖至案內
脫逃未獲要犯有在懷慶府居住之革職千總楊
廷選及自山西逃入河南地方之靳廣等臣現在
懸賞嚴緝務期必獲移解外惟思臣蒙

皇上天恩拔置封疆重任乃不知謹小慎微之道如此

輕忽其事應即嚴加重處復蒙

聖主矜憫寬宥臣跪聆

訓誨感激涕零即肝腦塗地不足以報

高深惟有欽遵

聖諭嗣後凡事寧過於慎重將小事如大事故謹辦理
勉效駑駘以贖罪愆以仰報

天恩於萬一耳臣不勝惶悚愧懼感奮之至謹

奏

有過知改則識見日漸增長如過而不改執以為是將來必至大過追悔亦莫及也所奏知道了



硃批諭旨卷一百二十四